

BABAAMI-AYAAGIN WAABANDA'IWEWINAN

Ayaamagadon waabanda'iwewinan gaa-babaami-ayaamagakin abinoojiyag onji. Ajina eta ayaamagadon, gagwe-andawaabandan ini waabanda'iwewinan jibwaa maajaamagakin! Izhaan childrensmuseum.com ji-gikendaman apii ge-bagamisegin ono waabanda'iwewinan miinawaa izhaayan.

NINGO-GIIZHIG IZHAAWIN

Imaa Children's Museum gabe-giizhig daa-moojigitoowag abinoojiyag, gegoon ji-naagadawendamowaad, ji-mamaajiiwaad gaye. Biindig gemaa agwajing danakamigizim, odaminom, gegoon ozhichigaadewan, awiyag bi-gaagiigidowag, babaami-ayaam gaye. Odaa-jiikendaanaawaa' abinoojiyag ningo-giizhig izhaawaad! Onatoon maagoniganing gemaa giigidon 204.924.4014 ji-gikendaman.

ADAAWEN

Gii-nanaakonigaadeg nindadaawigamigonaan abinoojiyag onji. Gegoon gidaa-bimi-moozhaginaan ji-maamikawiyag, gegoon ji-miijiyan eshkwaaw mawadisaman, gegoon noonde-miigiweyan gemaa gegoon ge-aabajitooyamban. Menoseg, gegoon imaa adaaweyan, da-ondiziawag imaa Children's Museum gechiwaag.



BAAKISING MUSEUM

(daa-meshkwajise)

Sunday akoo Thursday 9:30AM - 4:30PM
Friday zhigwa Saturday 9:30AM - 6:00PM

GIKISEG BAAKISING NIIBING

(da-izhise July 1 akoo Labour Day)
Baakisin daso-giizhig 9:30AM - 6:00PM

GIBA'IGAADEG APII

Niiyogon ishkwaaw Labour Day gaa-ijigaadeg
December 24 dago 25 gaa-agindeg

DIBA'IGEWINAN IZHAAWIN BIINDIGEYAN GAYE

Noonde-gikendaman enagindeg gegoon, giigidon
204.924.4000 imaa gemaa izhaan childrensmuseum.com.

AWASHIIME WIINDAMAAGEWINAN

1. Imaa Children's Museum daa-izhichigewag ji-biindiganaasigwaa nishikewizinid abinoojiya' gemaa nishikewizinid gichi-aya'aa.
2. Daa-zhaaganaashiimom gemaa Baakwaayishimom. Gagwedwen daga bakaan inwewining ge-izhi-gaganoonikwaapan.
3. Onjida abinoojiyag gwayak makizinan ji-biizikamowaad biindig gaa-waabanda'iweng.
4. Aanind odaakozi'igowaa' bargaana', gego gegoon bagaanwangin biindigadooken.
5. Gaawin bagidinigaadesinon gaa-bimaasingin biindig, biidooyan da-ganawanjigaadewan gaa-biindigeng.
6. Gidaa-dibaa-awi'aaz bimibizo-odaabaanensan.
7. Izhan Abilities Access Program ji-ondinaman gigishkiinzhigokaanan, odaminwaaganensan, zhigwa gaye ningoji ji-bangang bakaan imaa onji ini waabanda'iwewining, gidaa-gagwedwe iwe.
8. Adoopowinan ji-aanziwepijigeyan, ji-noonaawasowan, giziibiigiwin zhigwa ningoji gaa-ashanding da-ayaamagad.
9. Asanjigoowinan gidaa-diba'aanan \$1 bezhigwaabik minik, gaawin neyaab giga-miingoosii.
10. Daa-meshkwajisewan apii baakising, geba'igaaadeg gaye aaniin enagindeg gaye bigo apii.

NIINAWIND



IWE CHILDREN'S MUSEUM AYAAMAGAD ABINOOJIIYAG JI-GIKENJIGEWAA

Iwe ji-gashkichigesywaang, nindebwetaamin gakina abinoojiyag ji-ani-gikenjigewaapan, mii ningii-onatoomin gegoon abinoojiyag ji-wiiji'igoowaapan bebakaan gegoon ji-naanaagadawendamowaad, ji-gikendamowaad gaye. Awashime 30 dasowaki, mii omaa awiyag enawendiwaad ji-dazhi-odaminowaad, ji-baabaapiwaad gaye.

MIKAWISHINAAM IMAA FORKS



MEDIA SPONSORS



The Manitoba Children's
Museum is located on
Treaty 1 territory.

children's museum

45 Forks Market Road
Winnipeg, MB R3C 4T6
giigidowin 204.924.4000
aazhidebii'igan 204.956.2122

childrensmuseum.com

Iwe Children's Museum gaawin ji-gashkichigeng,
iwe odaginjiganiwaani #10348 0943 RR0001



VIB03-180


MAWADISHIWE WIINDAMAAGEWIN




children's
museum

WAABANDA'IEWEWINAN

1889 gii-ozhichigaade, iwe Children's Museum gaa-ijigaadeg gii-onachigaade maawanj gete waakaa'iganing ningaabiwanong Canada gaa-gii-nanaa'ichigaadeg ishkodewidaabaanan. Ashi-niizh waabanda'iewewinan gii-achigaadewan. Gaaniin daabishkoo bakaan dinookaan waabanda'iewewinan ji-zaaminanziwan gegoon, omaa wiin gidaa-zaazaaminaanan gegoon. Nanaandok gegoon gii-onachigaadewan ji-gikino'amawindwaa abinoojiyag, ji-moojigitoowaapan gaye.



1. TIME SQUARED (NAGISHKODAADIWIN)

Endaso-oodena ji-ayaamagakipan ningoji ji-nagishkodaading ji-gaagiigidong, ji-aateshining gemaa ji-onashowaadaman aaniin ji-doodaman! Naasaab ipinig gidiba'igiiziswaanag imaa gichi-diba'igiiziswaan ebid, mii izhi-maajitaadaa!

2. TOT SPOT (ABINOOJIIYENSINAANG)

Moojigitoom ani-izhaayan – memindage abinoojiwiyan. Boozi'iewewinan, bimosewin gemaa bimodeyan aazhoganing, biinji-bimodeyan waazhikaan. Na'ashi gidoodaabaanens imaa enateg, mii waawaabandan iwe abinoojiwi-waabanda'iewewinan.

3. TUMBLE ZONE (NAABISIJIGANAN)

Omaa ji-odaminowin ozhitooyan gegoon gemaa odaminwaagewinan ina? Biindig, gakina gegoon ayaamagadoon ji-odaminwaageyan ji-ozhitooyamban odamino-waakaa'iganan.

4. MELLOW MARSH (WAABIGWANIKAANG)

Agaashiiwiwaad awiyag anaamiing gichi-aniibiishing daa-bimosewag netaawigingin. Gaawiin idash eta ji-ganawaabanjigaadegin. Ji-maamaagonaman waabigwaniikaanan ji-moozhitooyamban.

5. STORY LINE (DIBAAJIMOWIN)

"Aazha na gidagoshinimin?" gaawiin giga-noondanziin imaa Dibaajimowining. Ningodwaachi ningoji da-inendamoo gaa-izhaawaad – agwaji-akiing abooshke anaamiing, miziwe iwe Dibaajimowining izhaawag!

6. ENGINE HOUSE (WAASIGANI-ODAABAN WAAKAA'IGAN)

Nanaandok biiwaabiko-aabajichiganan – mii ono aabadakin ishkodewidaabaan ji-bimibideg. Biinji-waasigani-odaabaan waakaa'iganing, giga-waabandaan gagetin waasigani-akik, maagizhaa gidaa-wiijitoon iwe!

7. JUNCTION 9161 (GIBICHIWIN 9161)

Iwe Gibichiiwin 9161 ishkodewidaabaan onji – gichi-ishkodewidaabaan niigaan ateg onjida ji-waabanjigaadegin! Gidaa-biindige gemaa agwaji-aya'ii gidaa-onzaabandaan epiichi-michaag.

8. ILLUSION TUNNEL (ZHOOSHKWAJIWEBIZOWIN)

Wegonen gagetin? Wegonen anishaa? Aaniin enaabandaman iwe genawaabandaman? Daa-biinjbide na iwe ishkodewidaabaan? Ji-waabandamamban, gibiindige iwe zhooskwajiwizowin.

9. MILK MACHINE (DOODOOSHAABOWINING)

Gidaa-waabanjige na daabishkoo bizhiki? Gidaa-noondam ina daabishkoo wiin? Miinange, giishin biindige iwe bizhikiikaaning! Apii biindigeyan iwe, aapiji giga-moojigitoo!

10. SPLASH LAB (NIBIKAANG)

Odaapinan biizikawaagan mii moojigitoon! Odaaminoyan gichi-biite aasamisag, nibi adoopowining gemaa gagwejitoowin gegoon, naagaji'idizon – miziwe nibiikaa!

11. POP M'ART (ADAAWIGAMIGOONS)

Gaawiin eta adaawigamigoons owe, gaawiin gaye waabanda'iewewin. Wegonen idash? Iwe Pop m'Art – abinoojiyag daa-ondadaawewag gegoon ji-mazinibii'igewaad. Daabida memeshkwajise edaawaageng – mii owe mazinichigewin, nawach idash michaa.

12. LASAGNA LOOKOUT (APISIJIGAN ASHOWAABIWIN)

Gidoodaminwaage na gimiijiwin? Giwiji-odaminoomigon owe apisijigan, gidaa-biindige'oodo, bebakaan gidaa-inoodo, gidaa-dagoshin dash ashowaabiwing Lasagna Lookout gaa-ijigaadeg. Izhaan gaye Rigatoni Roller, Spaghetto Forest gemaa aateshinin imaa Ravioli Pillows gaa-ijigaadegin!

AWASHIME!

GIKINO'AMAAGE DOODAMOWINAN

September akoo June, bebakaan gegoon daa-doodaamoog oshki-ayaansag akoo 5 gikinawaadaginigan. Gikino'amawaaganag miziwekamig gegoon onji oada-gikendaanaawaan waabanda'iewewining gaye onji. Onaon gemaa giigidon 204.924.4005 ji-wiindamaagoowin.

DIBISHKAMAN GEMAA JI-MAAMAWIBIING

we Children's Museum gidaa-gagwedwe ji-aabajitoowin baakising gemaa ishkwaagiba'igaadeg ji-okwiinong moojigitoowin onji gemaa wii-maamawibiwin. Onatoon maagoniganing gemaa giigidon 204.924.4004 ji-wiindamaagoowin.

EATON'S DIBAAJIMOOWINENSAN

Daabida baakising, owe waabanda'iewewin gii-bi-nitaa-ate naawi-oodenaang Eaton's adaawigamigong, mii omaa Children's Museum eteg. Apii November aginzod akoo December, gidaa-babaamose imaa maagizhaa gidaa-nagishkwaa awe Santa gaa-inind.

